

DEPORTE

Aruba Table Tennis Association a start su “Master’s Tournament”

STA. CRUZ—Ayerá nochi ATTA a cuminsa cu su ‘Masters Tournament’ den Centro Deportivo Betico Croes. E torneo aki ta uno internacional of mihor bisa intersular. Aña pasa esaki a ser teni na Curaçao. Por menciona cu Franklin Lopes a sali campeón. E aña aki e tin idea di keda cu e titulo. Di bishita pa e torneo nos tin Curaçao y Bonaire.

Na apertura di e torneo a duna sr. Jerry Gomes un plakkaat como muestra di aprecio. Jerry ta un persona cu semper for di jong a yuda e hubentud den e deporte bunita aki. Jerry tabata presidente di ATTA. Awor Jerry ta den comision di subsidio. E ta un persona cu semper a salon a vanguardia

di deporte y pa e motibo aki ainda ta usa expertisio di Jerry! E plakkaat a ser otorga door di presidente di ATTA, sra. Gloria Croes. ATTA ta yama danki na e sponsornan cu a coopera pa e weganan aki por a tuma lugar. Awe pa 1’or lo sigui cu e weganan. Ayera a hunga pa team, y awe lo cuminsa cu individual cual lo sigui y termina diadomingo mainta. Nos ta invita e fanaticada di tenis di mesa pa e weganan. ur lo tuma lugar den Centro Deportivo Betico Croes. Solo di Pueblo ta desea tur participante hopi éxito y may the best win!

